

* **Gamo.** Serio de la sep muzikaj notoj vicigitaj laŭ ilia natura ordo en la intertempo de unu oktaŭvo.

* **Gamaŝo.** Senplanda piedvesto por ŝirmi la supron de la ŝuo k la malsupran parton de la kruro. Kp TIBINGO.

gambo. Tuto de la suba membro de homo. Kp KRURO.

gambito (Sp). Taktiko en ŝakludo, dum kiu oni oferas komence figuron por akiri per tio favoran situacion.

gamelo ♣ ♠. Soldato aŭ ŝipana mangovazo.

gango (Ge). Tereca maso, kiu envolvigas mineralon, multekostan ŝtonon. Kp GEDO.

Ganglio. Tubero, kiu troviĝas en difinitaj punktoj de la limfaj tubetoj k de la nervoj, k defendas kontraŭ infektoj ŝveligante k retenante la mikrobojn.

gangliono ♥. Limfa glando.

Gangreno. 1 Detrua iom post iom etendiga putriĝo de la parto de vivanta korpo. 2 (f) Morala infektiĝo, malvirteco. ~ (lg) 1 (tr). Igi ~a, kaŭzi ~on : ~ila membro, spirito, mondo.

* **Ganto.** Vesto por la mano : *jeti al iu la ~on* B (f : alvoki al batalo, defii) ; *levi la ~on* B (f : akcepti la batalon, la defion). Kp MUFO. ~i (tr). Surmeti ~on al iu : *sin ~i*. **Fer~o.** ~o el ferlamenteoj, uzata de mezepokaj kavaliroj. **Duon~o.** Speco de ~o kovranta la manon nur ĝis la dua falango de la fingroj.

gapi (x). Senpense, naive k iom stulte rigardadi, malfermegante okulojn k buŝon : *~i la pasantojn* ; *~i al io, al iu* ; *~a admiro*. **~vagi.** Sencele promeni interesiĝante pri strataj bagatelajoj. **~ulo.** Tiu, kiu emas ~i.

* **Garantii** (x). 1 Promesi la farigon de io sub sia propra respondeco : *~i promeson, kontrakton, ŝuldon, prunton* ; *~i pri, por prunto B, por areŝtito B* ; *~i la kvaliton de varoj* ; kiu ~as, trankvilon ne scias Z. 2 Firme aserti ion vera k certa : *mi ~as la fakton* ; *li ~is al mi, ke li venos* ; *ni ne povas ~i la ĝustecon de tiu informo* ; *mi donos klarigon, ne ~ante, ke mia klarigo taŭgos por ĉiuj okazoj Z* ; *mi tute ne ~as pro tio, kia ŝi fariĝos en la estonteco Z*. 3 Igi ion certa : *tiu metodo*

~as rapidajn progresojn ; *la vivo k la tempo ~is al nia lingvo naturan forton Z* ; *la sukceson ~as al ni lia konata energio Z* ; *la nomo de la aŭtoro ~as la valoron de la verko*. 4 Gardi kontraŭ io, evitigi ion : *edziĝo najbara ~as de eraro Z*. ~o. 1 Promeso k respondeco de tiu, kiu ~as : *doni sian ~on* ; *veni ion kun, sen ~o* ; *disputo pri ĉio, sed sen ~o Z* ; kiu donis ~on, tiu pagu la ŝuldon Z. 2 (f) Certigo : *konkordo estas la plej certa ~o de senduba sukceso Z*. ~a. ~anta : ~a kapitalo. ~ajo. Objekto aŭ mono asignita por plifirmigi la akceptitan respondecon : *oni postulis dela administranto ~ajon de dudek mil frankoj*. ~anto. Tiu, kiu ~as. ~ulo. Persono, transdonita al malamiko kiel ~ajo. Kp PRIRESPONDI, KAŬĈII, ASEKURI.

* **Garbo.** 1 Fasko da falĉita greno. 2 Simila dika kunligajo da detrancitaj vegetataj trunketoj : *~o da pajlo, fojno, floroj*. 3 (f) Aro da longaj aĵoj : *tutaj ~oj da rapidaj, oraj, blindigantaj radioj Z* ; *tiuj pensoj, kvaŭzaŭ ~o da fulmoj, trakuris la kapon de Marta Z*. Kp FASKO. ~ejo. Loko por konservi ~ojn (Kp GRENEJO). ~igi Z. Arangi k ligi ~e.

* **Gardi** (tr). 1 (iu) Atenti, zorgi por eviti minacantan danĝeron aŭ eblan malbonon al iu aŭ io : *~i iun kiel la globon de la okulo Z* ; *li lokis ~anton por ~i la vojon Z* ; *~i iun kontraŭ malrespekto, perforto Z* ; *sin ~i kontraŭ surprizoj Z*, *superakvoj B* ; *kontraŭ sufero mi vin ~os* ; *dubo ~as kontraŭ risko Z* ; *~u min kontraŭ miaj amikoj, kontraŭ miaj malamikoj mi ~os min mem Z* ; Dio ~os vian piedon kontraŭ reto Z ; *kontraŭ tia odoro oni devas ~i sian nazon* ; *~u vin de tia malpaciĝo* ; *~u vian piedon de la vojstreko de pekuloj Z* ; *~i reĝon, urbon, trezoron, postenon, ŝafaron* ; kiu sin ~as, tiu sin savas Z ; bone ~anta hundo ; mi zorgas pri ŝi, sed ŝi mem tute ne zorgas pri ŝi k tute ne sin ~as Z ; ŝi estis por mi ĉiam kara ~atajo Z ; ~i (prizorgi) la interesojn de iu ; la Lingva Komitato estas kreita nur por ~i la ekstreme necesan kontinuecon en nia lingvo Z ; *sin ~i, ke ne ...~u* (zorge eviti fari danĝeran aŭ malbonan agon) ; *~u vin, ke vi ne falu Z*, *ke vi ne plu faru tian eraron Z* ; *ont ordonis, ke mi min ~u Z*, *ke neniu vidu min Z*. 2 (iu) Atenti, zorgi, por eviti, ke